



AEU-2

**KALAALLISUT / GRØNLANDSK
ALLATTARIARSORNEQ / SKRIFTLIG FREMSTILLING**

Piffissaq nal. ak./Tidspunkt:

Eqimattanngorluni oqaloqatigiinneq / Samtalerunde nal. 9.00 - 9.30

Namineerluni suliaqarneq / Individuel besvarelse nal. 9.45 - 12.00

Ulloq misilitsiffik/Dato:

Tallimannorneq / fredag 15. august 2014

Ikiutitut atorneqarsinnaasut / Hjælpemidler:

Kalaallisut - Qallunaatut / Grønlandsk - Dansk

Qallunaatut - Kalaallisut / Dansk - Grønlandsk

Allattukkat akuerisat / godkendte notater

Misilitsinnerup sivissusaa / Varighed:

3 timer

Atuartup aqqa / Elevens navn

Cpr. Nr. :

Piareersarfik:

Piffissaq tunniussiffik / Tidspunkt for aflevering:

Nakkutilliisup atsiornera / Prøvevagtens navn:

ATTAVEQATIGIITTARNEQ

Toqqagassani toqqagassat arlaat ataasiinnaq suliarissavat.

Toqqagassaq 1: Facebookkimi kikkulluunniit marsersinnaavaatsit (1, 1b aamma 1c)

Toqqagassaq 2: Attaveqaatit. Attaveqaatit atortakkatit allaaserikkitt

Toqqagassaq 3: Facebookki, sms-i mobiltelefonillu atugaalinngikkallarmata inuit qanoq attaveqati-giittarsimanerat allaaseriuk

TOQQAGASSAQ 1

• Ilanngutasiaq atuaruk

Facebookkimi kikkulluunniit marsersinnaavaatsit?

Aajuku marserneqarusunngitsunut siunnersuutitsialaat 14-it.

Danmarkimi atuisut siunnersuisoqatigiit siunnersuutaat, facebookkimi illit kammalaativillu pitsaanerpaamik illersorsinnaanersi pillugu.

Tingulaarinniffik: Anu Una Una Anu nr. 1, 2011

Facebookkimi indstillinngitit aaqqikkitt

Decembarip qulingani 2009-mi facebookkip atuisuni indstillinnginik (nammineq aaqqiinissamut periarfissaani, red.) arlalissuarnik saqqummiiffigai. Tassani periarfissaalerpoq paasissutissat inummut tunngasut qanoq saqqumitiginissaat nammineq aaliangerneqarsinnaanngormata.

Email-adressit oqarasuaativilluunniit normua kialuunniit facebookkimi alakkariaannaassanngikkaa kissaatigigukku, indstillinngitit misissuataalaartariaqassavatit.

Nettendenser.dk ilitersuummik assiliartalersukkamik pilersitsisimavoq, iliuitsit arfinillit malinnerisigut aaqqinneqarsinnaanngorlugu, kikkut paasissutissanik ilinnut tunngasunik Facebookkimi takunnissinnaanersut.

Ilitsersuut uani takuuk:

<http://www.nettendenser.dk/2009/12/10/guide-tit-privatliv-pa-Facebook-og-de-nye-indstillinger/>
Amerikamiut inatsisaat malikkaat facebookkip paasititsinera malillugu facebookki Amerikamiut inatsisaat malillugit ingerlavoq. Taamaammatt facebookkimi atuisunngoruit aamma isumaqarpoq, danskit (taamaammallu aamma kalaallit) inatsisaanni inerteqqutaasussaagaluit malillugit ilaasortanngortutit.

1. Applikationit sissuikkitt

Applikationit sorllt iserfiginerlugit mianersuutigiuk. Naak facebookkimi kammavit ilaasortanngoq-qullutit neqoroorfigigaluaaraatsit erseqqippallaarneq ajorpoq kikkut taakkuninnga applikationinik pilersitsisusimanersut. Applikationit tassaasinnaapput spil'lit imaluunniit aliikkutassiat allat. Mianersuutassallu ilannguat unaavoq applikationinut isernermit illit kammalaativillu paasissutisaataat ilanngullugit taassuma applikationip katersorsinnaammagit, taamaalilluni atornerluisoqarsinnaanera ilimanarnerulerluni.

2. Angerlarsimaffimmi suliffimmilu inuunerpit immikkoortinnissaa eqqarsaatigiuk

Eqqarsaatigiuk facebookkit sumut atorusunnerlugu. Indstillinngit kikkunnit takuneqarsinnaaneranut tunngasut aaqqikkitt, kikkut sunik (assinik, emailinik imaluunniit allanik) takunnissinnaanerat aaqqisuullugu. Aamma piimaguit marlunnik facebookkeqarsinnaavutit. Aappaa ilaqtutanut kammalaatinnullu aappaalu suleqatinut assigisaannullu.

3. Indstillinngivit aaqqinnerisigut ujarliutitigut ujarneqarsinnaajunnaarit

Kikkut tamarmik ujarliutitigut, assersuutigalugu Googlekkut, Facebookkinnut isersinnaanerat kil-lilerusukkukku, imaluunniit sumiissimanitit paasitikkusunngikkukkit tamanna indstillinngikkut aaq-qissinnaavat. Facebookkip ilitersuutaa 2011-meersoq maliguk: <http://da-dk.Facebook.com/privacy/ex-planation.php>

4. Eqqarsaatigiuk, ilumut paasisutissat ikkutatit, kikkunnit tamanit paasineqartariaqarnersut

Eqqarsaatigiuk ulluinnarni inuit naapitavit paasisutissat ilumut paasisinnaatitaassaneraat. Assersuutilgalugu suliffittaarnissamut oqaloqatigiinnermi suliffigerusutat kammagisimagukku imaluunniit facebookkimi kikkunnit tamanit takuneqarsinnaappat imaassinnaavoq facebookkikkut suliffittaare-rusutavit marsereersimagaatsit, qanorlu ittuunersutit "aliangiutereersimallugu". Tassamigooq sulisit-sisut quliugaangata sisamat, atorfininnissamut qinnuteqarsimasunik itigartitsinikuupput, facebook-kimi paasisutissat naninikuusatik tunngavigalugit. Taamaamat isumassarsiatsialaasinnaavoq facebookkivit allanit marserneqarsinnaajunnaartinnissaa.

5. Assinik paasisutissanillu piiaallattaasarit

Isumassarsiatsialaasinnaavoq assit paasisutissallu pisariaarunnikut piiallattaasarnissaat.

6. E-mailit kodellu isertuutikkitt.

E-mailivit nalinginnaasup facebookkikkut saqqummiunnissaa tunuarsimaarfigiuk. Aamma facebook atorlugu kodenik tunniussingisaannarit. E-mailit nalinginnaasoq atornagu allamik e-mailimik sanari-arlutit facebookkimut taanna atorukku isumassarsiatsialaaratarsinnaavoq.

7. Qanoq attaveqarfigineqarsinnaanerit saqqummiunnaveersaaruk

Assersuutigalugit adresse telefonnormulu facebookkinni tarrisimatikkitt. Indstillinngikkut aamma toqqarsinnaavatit kammalaaterni kikkut tamakkuninnga takunnissinnaatitaassanersut.

8. Eqqarsaatigiuk atit tamaat nuisatissanerlugu

Tamatumunnga taarsiullugu atit siulleg (ataasiinnarmik ateqarsimannngikkuit) kisiat nuisatissinnaa-vat. Imaluunmit atitit nuisatinngiinnarsinnaavaatit. Mianersorluinnarusukkuit aterusit imaluunniit taaguutit kisiat atoruk.

9. Paasisutissanik assinilluunniit inunnut allanut tunngasunik ikkussinak

Akuersisoqarsimatinnagu paasisutissanik assinilluunniit facebookkimut ikkussinak. Aatsaat nalunngikkukku ajorineqarnaviarnak, inuit allat assini "tag"-kkertassavatit.

10. Kode isissutissaq allanngortillattaasaruk

Inunnik allanik facebookkinnut isertoqarsimasinnaanerani pasitsaassaarqarpit? Kodet allanngortiguk, kodet allat assiginngisaannik. Facebookkimimi ajornartorsiutaasupilussuuvoq peqquserlunniat inuit allat facebookkiinut iserlutik paasisutissanik katersisarnerat.

11. Facebookkimi atugassarititaasut pitsanngornerunissaannut ikiortigit

Gruppimut Facebookkip pilersissimasaanut allagaqarit. Tassani facebookkimut apuunneqarsinnaap-put atugassarititaasut nutaat sunik imaqassanersut imaqassannginnersulluunniit.

Uani nanisinnaavat: <http://www.facebook.com/group.php?gid=69048030774>

12. Facebookkimut naammagittaalliorit

Facebookkimi atugassarititaasunik iluaagisaqaruit naammagittaalliorit. Tamanna pisinnaavoq uunga allannikkut: privacy@Facebook.com.

13. Profilimik piigaqarit

Facebook-profilimik piigaqarusukkuit (illit pigisinnaavat imaluunniit qanigisap toqukkut qimagute-reernikup profilia) taava eqqortumik iliorit. Uani qanoq iliussanerlutit paasisinnaavat illit facebook-profilimik peerusukkukku:

http://www.facebook.com/help/contact.php?show_form=delete_account

Imaluunniit qanigisavit toqukkut qimagunnikup Facebook-profilia peerusukkukku eqqaassutis-
sanngortikkusukkukkuuna una immersussavat:

http://www.facebook.com/help/contact.php?show_form=memorialize_special_requests

Facebookkerluarina!

Uanngaanniit paasisaq: www.taenk.dk



TOQQAGASSAQ 1B

• Apequtit allaaserisamut tunngasut akikkit

1. Qanga facebookip atuisuni nammineq aaqqiinissamut periarfissanik saqqummiiffigai?

2. Sumiut inatsisaat malillugit facebook ingerlava?

3. Applikationit suusinnaappat?

4. Adressit telefonnormullu eqqarsaatigalugit qanoq siunnersuisoqarpa?

5. Assinik paasissutissanillu facebookimut ikkussiniaruit suna isumageqqaassaviuk?

6. Facebookkimi profilit qanoq peersinnaaviuk?
